

Tiwei Jon Kewisik - 3 **Menmen me tiwei ik**

Jon katip mitik Gaias gude 1:1-4

Jon kewenipi Gaias me menmen eyaaim hirak
kiriakem 1:5-8

Jon kene mitik Daiotrefis 1:9-10

Jon kewenipi Demitrias me menmen eyaaim
hirak kiriakem 1:11-12

Jon katip him mikaru 1:13-15

¹ *Hi mitik iuwe ke mit ne weiwik me God, hi hewis tiwei ik ken ti Gaias. Hi han teweninit iuwe.

² Ti kai yaaik hi hanhan God kakikepit te ti ehu werek werek me menmen ti hirakem. Hi hanhan ti yink kit kaku werek kar ke himin kit kepu werek werek, ti hises God.

³ *Hi hertei menmen ti hisesim hentar nai yinan han nan netpo ti hises him me Krais werek werek. Hekrit hekrit ti hises menmen yaaaim mar ik.

⁴ Menmen ham ti hirakem hiram menipa hi han yaaik. Ti hises God werek werek te menmen im menipa hi han yaaik wisenuk.

Mit natip Gaias hirak yaaik kiriak menmen yaaaim

⁵ Ti kai yaaik, ti hirak menmen yaaaim me God. Ti naanmipre mit nerer wit wit kerek newepyapir him me God. Ti hetari ninaan mir te ti epei hekepi.

⁶ *Naiu yinan han hîr pîke nan in natîp haiu mît in ne weiwîk me God hîr netpai ti epei hekepi. Hi hanhan ti wen ekepi ewetîr menmen me wî hîr nanînen te hîr nanîno nanrer wit wit nanwepyapîr hîm me God. Menmen mar im ti erekyorem mamnip God han yaaik.

⁷ *Hîr nînaaiwîr wit kîr ik nen newepyapîr hîm me Krai te hîr ap nari menmen miutîp me mît hîr nises hîm me God au.

⁸ Te haiu hîras emkepi naanempror te haiu mantikeri mamriak menmen miutîp me hîm me God.

Hîm me Daiotrefis ketike Demitrias

⁹ Hi hewis hîm mau tîwei hesiuwerek ken mît ein ne weiwîk me God. Te Daiotrefis hîrak hanhan kakîn mît naanmamri. Hîrak ap kemtau hîm mai kisesim au.

¹⁰ Maain hi anen arit, hi ewepyapîr menmen hîrak kîriakem. Hîrak kesiuwe hîm weinîm katîp haiu mît in enum enum. Te im keremem au. Hîrak ap kari naiu yinan han newepyapîr hîm me God kewisi nen wînak kîrak au. Te mît han hîr hanhan nanwisi nanîkre wînak kîr, hîrak keweni. Hîrak keweni keriyen au, hîrak kepîri nenpîn nekeipîn wînak mît nererik newenîpi God neitak.

Demitrias kîriak menmen yaaîm keremem

¹¹ *Kai yinak ti eriak menmen enum ehisesim au emît! Ti eriak menmen yaaîm ehisesim keremem. Keimîn kîriak menmen yaaîm kisesim, hîrak mîtik ke God. Keimîn au, hîrak au.

* 1:6 Ta 3:13 * 1:7 1Ko 9:12, 15 * 1:11 1Jo 3:6-10

¹² *Mít yapírwe in hír natíp Demitrias hírak yaaik. Hím hírak kewpyapírem hírekes kisesim. Haiu mít in matíp hírak yaaik. Ti hertei menmen haiu metpiyem híram yaaim.

Hím ham híram míkuru

¹³ *Hi hanhan etput hím yapírwe te hi hínapen ewisim mau tíwei ik au.

¹⁴ In ek hi anen arit te hawír watípakít menmen.

¹⁵ Hi hanhan ti ehu werek werek. Nit yinan in netput nar ik: “Ti yaaik.” Ti atíp naiu yinan ein “Hír yaain.”

Mepír keremem

* 1:12 Jo 19:35 * 1:13 2Jo 12

Him Yaaim Me God
The New Testament in the Au language of Papua New
Guinea
Nupela Testamen long tokples Au long Niugini

copyright © 1992 Wycliffe Bible Translators, Inc.

Language: Au

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-12-03

PDF generated using Haiola and XeLaTeX on 28 Dec 2024 from source files dated 31 Aug 2023

4e85f348-3df4-5add-b32a-49bcafe3752a